

四庫全書

史部

# 欽定四庫全書

史部

硃批諭旨卷九十一  
四

臣 永瑤 恭 校

編 修 臣 表 謙 覆 勘

總校官中書 臣 朱 鈐

校對官中書 臣 朱 忻

謄錄監生 臣 孫 祥 鳳

欽定四庫全書

硃批諭旨卷九十一

硃批董象緯奏摺

直隸古北口總兵官

臣

董象緯謹

奏爲欽奉

上諭事

臣

於本年十二月瞻仰

天顏恭聆

聖諭爾所屬曹路南峪溝砍伐木植此亦有益民生但

與霧靈山相近恐有關礙爾可查明具奏欽此 臣回  
署卽親至曹路勘得南峪溝口等處年來所伐木  
植係在報部四至界內並無關礙霧靈山之處 臣  
復查界內木植旣已無多而成材者更復寥寥現  
今已伐之木因道路艱難尚未盡出或俟已伐木  
植出盡之後嚴行禁止或仍於報部四至界內聽  
其砍伐相應繕摺請

旨謹

奏

俟已伐木植出盡之後卽行禁止砍伐可也

直隸古北口總兵官

臣

董象緯謹

奏爲恭報雨澤事竊照古北口地方於雍正元年三月十二日甘雨一日十分霑足又據懷柔密雲石匣熱河等處俱報同日得雨亦皆霑足理合奏報  
謹

奏

甘雨及時真可謂

天恩浩蕩也

直隸古北口提督

臣董象緯謹

奏恭請

皇上聖安

朕安爾所奏駐防一事甚屬詳妥已發該部矣

直隸古北口提督

臣董象緯謹

奏爲恭報雨澤事竊

臣

查古北口於雍正元年五月

十七日得有微雨十九日復得大雨高處四寸平處霑足據河屯營守備報稱熱河等處俱於十七八日得雨二三四寸不等又據石匣營石塘路曹家路懷柔縣遊擊守備等報稱各該汛內俱於十七八日得雨一二寸三四寸不等理合一併奏

聞謹

奏

覽奏甚喜但要據實奏報不可增飾分數

直隸古北口提督

臣

董象緯謹

奏爲恭請

聖安仰慰

睿懷事雍正元年六月十四日准直隸撫臣咨送

大行皇太后喪禮儀注到

臣

悲悼之下伏惟我

皇上大孝大仁根於天性恭遇

皇太后仙馭升遐哀痛悲傷必深且摯

臣

雖至愚何敢以

節哀一語妄瀆



宸聰竊思去年

聖祖仁皇帝龍馭上賓

臣

叩謁

梓宮後因查汎入京恭請

聖安兩次獲覲

天顏仰見我

皇上悲泣涕零過於哀感今年三月叩送

聖祖仁皇帝梓宮復見我

皇上悲思之切誠篤如初今時當炎暑復抱

皇太后升天之痛想見我

皇上聖心哀結罔極情深必有過爲悲泣者臣五內傍

徨不能自禁是以不辭冒昧恭懇

皇上念

聖祖付託之重薄海内外仰賴之殷勉攝

聖體少節哀思則天下臣民幸甚臣犬馬微忱謹具摺

恭請

聖安謹

奏

朕躬安爾不必爲朕過慮

皇考大事實力已竭今不幸復值

皇太后大事朕無奈惟以

皇考付託之重爲念勉強忍痛而已所奏知道了

直隸古北口提督

臣

董象緯謹

奏爲恭請叩謁

大行皇太后梓宮以伸哀念事伏惟

皇太后

化洽宮闈

慈周寰宇宜乎

遐算倍增長衍千秋昌熾

純禧永懋式昭萬世懿徽何期

仙馭遽爾

升遐

臣世受

國恩至深至重分宜匍匐

皇太后梓宮之下躬親叩首伏懇

皇上俯允臣請俾得單騎赴京庶幾少伸哀念於萬一  
爲此繕摺請

旨謹

奏

地方要緊不可擅離況大事已過候八月盡爾赴京叩  
謁可也

直隸古北口提督臣董象緯謹

奏爲要地需才謹據實

奏懇仰祈

睿鑒事竊查

臣

所屬昌平營叅將馬承璋奉

特旨陞補張家口副將山海路都司王道義潘家口守

備孫得明奉部推陞其員缺應聽部推但昌平營

叅將山海路都司兩處地方均關緊要

臣

既有所

知之人敢不據實奏

聞謹查

臣

標下右營遊擊楊雲棟密協右營守備劉正

俱係臣深知灼見之員才技俱優楊雲棟堪以陞

補昌平營叅將劉正堪以陞補山海路都司如蒙

天恩俯允陞授則臣標右營遊擊之缺有現陞遊擊之

都司王道義對品留補洵爲人地相宜其密協右

營守備員缺查有遵化營千總李挺人材健壯弓

馬熟嫻堪以擢補至於潘家口守備一缺查得臣

標下右營千總陳萬里頗能整頓營伍操練兵馬

堪以擢補雖現今奉有部發年滿千總何敢妄行

保

奏但李挺陳萬里二弁臣素所深知試有成效故不

辭冒昧一併仰懇

洪慈可否破格

簡用出自

皇上天恩爲此具摺請

旨謹

奏



俱照爾所請補授已降旨該部矣

廣東提督臣董象緯謹

奏爲奏

聞事竊臣於雍正元年九月二十六日

陞辭跪聆

聖訓蒙

皇上訓誨殷殷周詳懇摯更蒙

寵錫便蕃有加無已臣弟兄惟有凡事盡心竭力不敢

稍涉欺罔以圖報答

高厚於萬一茲

臣謹將經歷之處見聞確實者恭陳

所奏是黃炳因氣質不純每每不得人心不但百姓不

睿鑒山東巡撫黃炳往臨清看河

臣見其輕騎減從但甚感激朝臣無一道其好者朕因其才具堪勝撫任而

聞地方百姓不甚感激激江西巡撫裴率度南昌總

擢用之亦復時加訓導裴率度原好楊長春更好

兵楊長春聲名俱好廣東將軍管源忠回任後患

痢四月近日少愈然出門辦事尚勉強支持副都

二人皆屬平常

統二人雖分任佐理亦未見實效總督楊琳屢蒙

所奏楊琳之處甚公間年希堯自因居官不妥再三求聖諭似覺畏懼然其回護因循未見悔改巡撫年希堯

爾挽

回果然否爾受朕深恩切不可於此等小節處見

棄於

朕孔興璉向日居官何如訪明奏聞

具平常贛韶兩關臣見過往客商俱樂於本處地

### 方官收稅感頌

聖明至於廣東武職衰邁闕茸者甚多而陞銜留任更

多不稱厥職卽保題員內亦不過恐其引

見僅擇年力精壯弓馬可觀者耳其實能料理營務緝

如此

據實直陳方是

盜安民之員不過十分之一二臣受

恩深重不敢隱匿謹據實陳

奏再查廣東地方寧靜年歲豐登惟深山間有礦徒  
粵省賊波不靖於爾陸辭時業經而論其奈楊琳年希  
時聚時散海洋間有賊船亦有被獲者臣細看地  
堯管源忠總不實心料理一味因循隱飾似此積習必  
盡改方好若肯實心任事何不能除之有  
不能盡除而臣蒙

恩簡任惟知綏靖地方凡事咨商督撫二臣實心任事  
倘有無理掣肘處一面通知於伊一面據實奏朕  
督臣縱多回護臣亦必委婉周旋務期文武和衷

封疆有益以圖共報

天恩爲此繕摺奏

聞謹

奏

文武和衷固屬美事若志趣迥然不同則亦難以裨益  
封疆總之爾於此一年來多次見朕所以深知朕心楊  
琳從未覲面受朕指訓年希堯又庸愚無知凡事爾宜  
自立主見莫被伊等搖奪勉之

廣東提督

臣

董象緯謹

奏爲奏

欽定四庫全書

硃批諭旨

卷九十一

十

聞事竊查右翼鎮屬翁源縣民林書保家於雍正元年十一月初三日夜被賊捉去人口一十六名經督撫二臣檄令惠協都司姚夔提標守備殷文達會同右翼鎮屬派撥官兵勦捕臣到任後又派委守備劉涵前往協拏茲據右翼鎮臣咨稱官兵追至賊穴斬一賊首級餘皆奔散惟將被虜人口盡行救回等因前來伏查廣東地方此等之事甚多此案未傷人命勢必外結何敢冒瀆

宸聰但以事關聚衆搶掠又不敢扶同隱匿如果差去  
官兵能將賊徒盡行拏獲或能拏獲過半臣自聽  
督撫二臣結案若以擄口救回未傷人命不將賊  
徒實力盡殲遽思完結臣必查其兼轄專汛以及  
派出各員嚴加叅處獨是此等擄掠人口之事敘  
入本內恐抄傳遠近駭人耳目臣亦惟以廢弛營  
伍糾叅伏乞

皇上睿鑒謹

奏

此皆向日陋習積弊有何駭人耳目處卽善於諱飾亦不過掩朕一人耳目而已天下人孰不知之嗣後如遇此等事件但宜據實直奏況粵省視盜案爲常事以欺隱爲成例頑民以法令可玩而輕犯兵弁因賞罰不明而懈弛此種惡風爾豈可效法之耶楊琳怙惡不俊徒欲掩蓋已往之迹年希堯懦弱庸愚未能剔除現在之弊爾若復蹈因循之轍虛應故事朕只得於各省大員



內輪替更換務將能靖盜之人用來粵東俾地方一清  
彼時爾等何顏以見朕耶將此諭通知該督撫爾等同  
心協力整飭粵省盜息民安方可見朕否則恐爾等因  
循怠忽違旨溺職之愆當不起也功罪賞罰不明將何  
以服衆心恐駭人耳目借以他罪處分是何言歟捕緝  
專責寧任兵弁之曠弛爾等私賞豈抵朝廷之議叙自  
此以後必以明功罪除欺隱爲要務特諭

廣東提督臣董象緯謹

奏爲請

旨事竊

臣蒙

皇上高厚之恩授以廣東提督蒞任之後接見各官查

其年力衰邁者甚多伏念東粵要區未便以伊等

備員充位貽誤地方臣受

如此方不負朕任用

恩深重不敢引嫌避怨亦不敢過於苛刻惟於開印後

通行考驗詳加辨別其有年老不及者除其自知

曠廢情願告退之員仍聽其乞休外餘必會同督

臣陸續

甚是

題叅但粵東地廣汛多每缺俱有巡防之責而又距京稍遠一遇缺出或經

題補或候部推累月方能到任要缺必致久懸伏乞皇上敕下兵部或旗員或侍衛或候補候選人員揀選數十名開列引

見恩賞來粵遇有缺出臣會同督撫二臣量其人地具疏

題請補授庶巖疆得人營伍自然改觀更有請者臣  
古北口任內昌平營叅將馬承璋拏獲人和當刦  
賊六名有涿州營把總劉方成協同緝獲膽勇可  
嘉伏乞

皇上准賞來粵遇有千總缺出暫行補放試其料理營  
務果有可觀另行

題補是否可行

弘恩出自

聖裁謹

奏

另有旨矣

廣東提督

臣董象緯謹

奏爲營伍務宜整理將備必在得人謹據實

奏請仰懇

睿鑒事竊查

臣

標右營遊擊一缺應援全省實係

臣之

臂指必得能員方克勝任今看得四會營守備張

鳳起才猷敏練堪以擢補又查三水營守備一缺  
地當孔道鎮平營守備一缺界連閩省連陽營守  
備一缺逼近猺排俱賴賢員料理茲有鑲黃旗漢  
軍驍騎校劉汝霖福建駐防鑲黃旗驍騎校邢雲  
貴古北口石匣營千總哈雲棟古北口太平寨千  
總福益弘此四人騎射兼優辦事勤慎臣素日深  
知灼見不揣冒昧仰懇

天恩准以張鳳起補授臣標右營遊擊劉汝霖補授三

水營守備邢雲貴補授鎮平營守備福益弘補授  
連陽營守備倘蒙

俞允則張鳳起所遺四會營守備員缺懇以哈雲棟補  
授可否

簡用出自

天恩爲此繕摺請

旨謹

奏

何營不需好員隔省題人不可其餘所奏皆是參遊以下補用人員已揀選二十餘員發往矣爾所題請人員中可以准發者亦入揀選內一併發往到時爾酌量題補

廣東提督 臣董象緯謹

奏爲據實奏明水師情形仰祈

睿鑒事竊照廣東營制半屬水師向例

題補員缺自副將以下俱選熟識水性之人誠取其



人地相宜便於海道耳臣歷驗水師人員有歷任  
水師毫無裨益者有原任陸路至水師著績者大  
抵人地無拘惟才是視惟守備以下專供驅策應  
需熟識水性之人至副將叅遊則係統領督率之  
員若果駕馭有方運籌有術似不宜以水師拘也  
臣不辭冒昧請以守備等缺仍揀水師人員副將  
叅遊不拘水陸惟以幹員

題補以試其駕馭運籌之畧倘蒙

俞允則海疆收得人之效矣是否允協伏候

聖裁謹

奏

水師難於得人卽陸路亦屬不易此事甚有關係大半總督之責與孔毓珣商酌可也

廣東提督臣董象緯謹

奏爲據實覆奏事雍正二年二月初六日准原任廣東督臣楊琳抄錄正白旗漢軍副都統金鐸條奏

拖風船及違式漁船概行拆毀一摺欽奉

硃批金鐸條奏此摺爾可與提督董象緯密商應行卽行不應行密摺回奏到臣欽此隨卽悉心籌畫移商督臣楊琳聽其酌議緣二月二十二日督臣身故臣應專摺據實

奏明查拖風船亦係捕魚之船但漁船定例樑頭不過五尺不用蓋板拖風船則上釘蓋板樑頭九尺一丈甚至一丈一尺不等文武員弁因其違式皆

得勒索遂其所欲則船之姦良竟置莫辨其間亦  
偶有如條奏所云接濟賊糧藏姦爲匪之弊實係  
官弁疎縱竊念粵省沿海居民大半皆以捕魚爲  
業而採捕非大洋不能得魚入洋必得大船始能  
禦浪民生攸關實難拆毀但旣欲便民仍須弭盜  
臣再四思維欲除接濟藏姦等弊惟宜船主取隣  
佑保甲甘結水手取同船互結一船爲匪事發甲  
隣連坐一人爲匪事發互結連坐近奉

特頒諭旨各省出海船隻分別油飾刊刻編號今飭令  
此等漁船亦遵此例則防閑有具船不致爲匪民  
得以資生矣再條奏塙甲詭辭存案一弊竊查沿  
海船隻果遇風飄或被賊擒必本船有生回之人  
始有情形日月可據否則塙甲何從得知而遽代  
爲存案此亦該管地方官不加詳察之故惟令存  
案之該衙門於此處確查的實果係被風被賊生  
回有人方准存案不許塙甲代爲具呈縱有詭計

亦不能施是詭辭存案之弊亦自易除矣謹據實

繕摺

奏覆伏祈

睿鑒謹

奏

爾此奏既公且直毫無隱諱甚屬可嘉大概與楊琳意見亦相仿朕已將原奏原議俱發交督臣孔毓珣令其斟酌爾與孔毓珣議妥再行奏聞

廣東提督臣董象緯謹

奏爲備陳營伍那欠餉銀設法補前杜後事竊臣莅任後查兵馬錢糧那欠成千累百臣已飭令各屬協營凡提督衙門一切規例及餽送節儀等項盡行革除以之陸續盡補前欠倘仍敢虧欠臣卽特疏糾叅然此爲陸路人員計不過一半年間自可清楚至水師虧欠更甚每藉口於捐修船隻臣查出洋遊巡船隻非遇定例修造年分設爲風雨損

壞皆營中公捐修整今嚴飭彌補是從前之虧欠  
可清而後日之弊未杜臣思通省馬價一項上年  
兵弁情願每匹扣銀三兩補王綱明虧空荷蒙

皇上天恩免其代補此項銀兩實係羨餘請將通省應  
發馬價銀內每馬一匹扣銀三兩約銀四千餘兩  
如遇遊巡船隻果於不應修造年分因風損壞該  
營據實詳明督撫提督另委賢員勘明估計加具  
甘結赴藩庫具領以資修葺則營員無從藉口而



後日虧欠之弊自除矣爲此繕摺請

旨謹

奏

此事亦當與督臣斟酌今將陸路之錢糧修補水師之  
船隻一者恐陸路兵弁不甘二者恐水師中小人輩見  
現有修補之項不費已資因而隱匿捏報等弊不能保  
其必無似非良策也將朕前後所批三諭及爾之所奏  
併與孔毓珣看明爾等悉心籌畫妥協具奏不可有意

迎合遂以朕諭爲是也

廣東提督臣董象緯謹

奏爲遵

旨回奏事竊臣標新任中軍叅將楊大立到惠赴任口  
傳該叅將懇

恩賞戴翎子一事欽奉

聖諭爾且戴往廣東任所著提督董象緯具摺來奏不  
必用本欽此臣伏思楊大立原係

乾清門侍衛今已蒙

皇上格外施恩准其戴翎至任是

曠典出自

天恩而該叅將身膺

異數必倍加鼓勵以圖報答於萬一

臣謹具摺奏

聞謹

奏

楊大立准其戴翎但不可因係乾清門侍衛稍爲瞻顧

勗伊勉力做好官以報朕知遇方是伊若少有負恩玷職之處朕必加倍處分也將其到任後如何效力供職光景據實奏聞朕看此人將來大有可望第恐其少年放縱自暴自棄則無如之何矣

廣東提督

臣

董象緯謹

奏爲恭領

聖訓仰祈

恩宥事竊

臣

接

臣

弟董象台書信內云雍正二年十一

月初七日蒙

聖恩召見跪聆

諭旨汝兄在古北口做官甚好朕所以用爲廣東提督  
將朕旨錯傳矣朕諭爾兄居官惟務巧飾自到廣以來  
自到廣後諸事使巧欺朕汝係伊之親弟朕雖不令  
未具一切實之奏通省豈無一件可聞於朕之事大約  
汝諭伊汝再無不寄信之理今汝著人帶信諭伊知  
將其所聞所見概行隱蔽耳前論原係如此  
道改亦隨伊不改亦隨伊欽此臣卽望

闕叩首感激無地竊臣受

皇上隆恩授爲廣東提督蒞任一載寸長未效負咎良

多荷蒙

皇上不卽加譴斥猶諄諄教誨使之改過自新戴

恩負罪心膽驚裂敢不洗心滌慮痛改前非以仰報

皇上寬宥訓誨之至意仍懇

聖恩明切指責俾

臣

得勉竭犬馬圖報微忱則更邀

天恩於望外矣爲此繕摺奏

謝謹

奏

爾之聲名未聞有不好處但爾於陞辭時許朕件件據實奏聞今抵任年餘所奏何事行不符言朕心不愜且爾向都中奔競特甚不如仗已之忠勤靠朕之眷顧穩妥否則徒有害而無益也若悉聽都中信到然後舉行事事失機會矣勉之

廣東提督臣董象緯謹

奏爲奏

聞事雍正三年正月初四日據龍門營守備胡世勲報

稱雍正二年十二月二十二日該營千總劉貴帶兵巡遊至鬼蓋山遇賊一夥對敵傷故千總劉貴一員兵一名等情到臣臣隨飛檄廣州副將賀捷派撥官兵協捕臣又於本日派撥千總一員把總一員兵六十名於初六日起程赴龍門協捕又於初八日派撥遊擊一員千總二員把總一員兵一百四十名由長寧各山場搜捕堵禦會合督臣委員同勦務獲俟獲日聽督臣



題報事關官兵傷故

臣謹具摺奏

聞謹

奏

凡百悉當據實直奏方是卽此一事亦未必盡情傾吐也

廣東提督臣董象緯謹

奏爲奏

聞事竊臣准督臣孔毓珣咨稱本部院現在捐造盔甲

陸續分發各營今製成鐵盔甲戰裙一千頂身差  
官齋送希發提標五營兵丁披掛操練等因到臣  
臣卽令中軍叅將分發五營換補配兵操練訖理  
合繕摺奏

聞謹

奏

知道了另奏三摺一發部議一留諭新任撫臣一留中  
候引見人員到時對閱諸凡益加秉公勉力毋得少懈



硃批諭旨卷九十一

欽定四庫全書

硃批諭旨卷九十二

硃批馮允中奏摺

雍正五年二月十八日湖廣提督臣馮允中謹

奏爲恭謝

天恩並陳地方情形事竊臣一介庸愚毫無知識蒙我  
皇上天恩由偏裨歷陞提督慚惶感激日夕靡寧不知  
將來何以圖報萬一除本年二月初一日到駐劄

常德日期已經

魏經國之操守極當效法除此一無可取處爾受恩深  
題報在案現在勤加訓練以振營伍整理塘汛以弭  
重非伊可比若一味善柔屬員居官之優劣兵丁技藝  
之疎嫻概置不問以邀和平寬厚恤下之譽如經朕聞  
爾領罪不起倘仍似從前縱盜養姦廢弛武備憲典具  
皇上加恩賑濟今已俱得所入春雨水調勻萬民樂業  
在朕不稍假勉之慎之  
皆

聖主至誠感召之所致也再楚南苗瑤雜處間有不法  
據奏雨水調勻朕懷深慰但似此地方情勢務須據實  
生事其作何撫馭禁飭臣現在採訪會同督撫商

直陳少加粉飾卽涉欺隱斷乎不可誌之  
酌施行乞於本年

皇上萬壽節前容臣單騎赴京隨在廷諸臣叩祝

聖壽無疆並將地方事宜備悉陳

奏爲此具摺奏

聞伏乞

睿鑒謹

奏

赴京之行今歲不必

雍正五年六月十五日湖廣提督臣馮允中謹

奏爲奏繳

硃批恭謝

天恩事竊臣一介庸愚仰蒙

皇恩深重擢至總兵提督叨此非常

寵榮雖肝腦塗地不能仰報萬一且於摺

奏內

御批訓示剴切詳明不啻耳提面命臣雖木石亦應感



悟惟有一一欽遵時加警惕如覲

天威於咫尺耳爲此繕摺恭繳

硃批伏乞

睿鑒謹

奏

好勉爲之務須言行相符以副朕望

同日又

奏爲恭報拏獲搶犯解散饑衆情形事竊臣查常德

府所屬武陵龍陽沅江岳州府所屬安鄉華容等  
縣上歲偶被大水西成歉收感蒙

皇恩賜賑又復減額蠲租民各安生樂業不意今歲五

月內雨水過多江湖漫溢不但田禾淹沒沿湖民

居盡在水中米價騰貴全望商運之米來常糶賣

已有旨矣

接濟突於五月二十八九日米船不至臣正查詢

間三十日據常德遊擊董朝輔稟稱離城二百里

洞庭湖邊之茄子窖塘兵報稱該地方不知是何

姓名姦徒聚集多人於二十八九兩日各駕魚船俱在水面遇有客商船隻盡行邀截搶奪卑職聞報當卽率領把總星飛前往查緝並移武陵縣帶領捕役同往查拏爲首搶犯撫諭聚集饑民等因到臣臣一面飛移督撫一面委臣標遊守千把等帶領兵丁乘坐常德水師營戰船八隻又飭常德水師把總帶兵乘坐該營戰船四隻分頭巡查湖畔以資彈壓不得令有饑民聚集再慮湖面廣濶

蘆葦茂密搶犯畏懼兵威或至潛逃他所爲患隨  
又嚴飭洞庭岳州澧州荊州等協營各於該管水  
汛查緝前項搶犯務須淨盡不得養姦滋害在案  
續據遊擊董朝輔等報稱聚集饑民官兵一至卽  
行奔散已經拏獲有贓人犯何大起等九十餘名  
知縣陳沆現在究審又據洞庭岳州副叅等報稱  
遍查水汛俱各寧靜並無搶犯潛避商旅現在通  
行等情各到臣查姦棍何大起等在茄子窖嘯聚

魚船邀截商旅爲時雖止三日卽行解散而臣身  
知道了了於此等處當防屬員之欺蔽爲要  
任全省地方遇此湖水氾漲不能防範未萌以致

瀆煩

天聽罪所難辭今謹將被水災民因饑起釁緣由獲犯  
解散情形據實陳

奏臣再有

奏者查得武陵等縣高阜之鄉今歲禾稼較往歲滋  
盛早者旣實半黃中者穗齊結實晚者吐穗將齊

饑黎可望有秋朕懷深慰  
聖懷爲此謹

奏

覽

同日又

奏爲黔楚會拏兇苗情形仰祈

睿鑒事竊

臣

於抵任後查雍正四年十二月內有前任

提臣趙坤接准巡察湖廣黎致遠咨據士民呈稱

靖州界連黔省五開衛之謬沖花衣苗煙僅三四  
十戶苗僅五六十丁倚山負險專事搶刦邊民受  
害無所底止呈請撥兵擒拏以靖苗邊等緣由備  
咨署督臣福敏酌奪在案茲於雍正五年三月內  
經福敏移咨黔省督撫提臣遣發官兵並咨會到  
臣臣隨飭靖州協署印遊擊吳文帶領官兵三百  
名會合黔省官兵堵禦協拏兇苗去後疊據署印  
遊擊吳文新任靖州協副將黃賢呈報謬沖花苗

於閏三月二十四日攻破巢穴之後俱各畏威逃散今陸續拏獲兇苗並婦女苗孩共八十名交文員審訊至逃散兇苗現在多方搜緝俟盡獲另報等語經臣復爲嚴飭該將等速行擒拏務盡根株並飛咨黔省督撫提臣一併緝拏除俟全獲之日仍聽督臣會疏

題報外所有臣據報拏獲兇苗數目理合繕摺奏聞謹



奏

此事據署督臣福敏雲貴督臣鄂爾泰俱經奏過兇苗之就獲全賴黔省兵弁之力也且爾所奏亦屬遲延

同日又

奏爲請

旨事竊臣於雍正五年六月初二日接蒙兵部劄奉

旨楊凱人甚去得熟悉苗情交與湖廣總督提督遇有近苗地方叅將缺出題補如有內地叅將缺出將近

苗叅將不及不諳者調補一員其所調員缺卽將楊  
凱題補欽此該臣查得近苗地方並無叅將缺出止  
有辰州地固近苗官係副將今該協副將魯嶼病  
故臣現在會同督臣

題報其所遺員缺甚屬緊要可否卽將楊凱以叅將  
署理辰州協副將事務出自

皇上天恩臣不敢冒昧具

題爲此繕摺請

旨如以越陞未便伏乞

皇上簡用賢能迅赴辰州邊苗重地以資彈壓其楊凱  
俟有楚省近苗邊地叅將缺出

題請補用

臣

無任悚慄待

命之至懇乞

睿鑒謹

奏

已有旨諭部矣

雍正六年正月十六日湖廣提督署理陝西西大  
通總兵官印務臣馮允中謹

奏爲敬陳微臣自楚至陝並在西安前赴大通事竊

臣  
欽奉

諭旨署理陝西西大通總兵印務於雍正五年十月十  
六日自常德府起程十二月十五日至陝西西安  
府隨往會川陝督臣岳鍾琪言西大通總兵印信  
尚未頒發又值隆冬嚴寒邊地更甚道路皆冰抽

撥兵馬難以搬移留臣暫住西安議令各兵於三月初間春暖冰開起程前往庶免長途寒冷之苦臣俟開印後擇日先赴西大通料理外理合繕摺奏

聞伏乞

皇上睿鑒謹

奏

候春暖冰開之議甚是岳鍾琪亦經奏過今周開捷不

日進藏西寧總兵事務朕意亦欲命爾兼理兩處要任  
竭力勉爲之大通乃初設之鎮一切營伍規制兵丁生  
計俱從茲創始務須悉心籌畫咸令允當得所永遠循  
行無礙方爲不負委任也勉之

雍正六年四月初二日湖廣提督署理陝西西大  
通總兵官印務臣馮允中謹

奏爲恭謝

天恩敬報微臣到任日期並陳地方情形仰祈

睿鑒事竊臣欽奉

諭旨署理西大通總兵印務自楚起程至陝西西安府

各日期俱經摺

奏臣於二月初三日自西安起程三月初七日到西  
大通新設總兵衙門恭設香案望

闕叩頭謝

恩署事訖伏查大通鎮標二營外另設二營在於白塔  
川測爾兔二處其白塔川城池營房俱已修竣兵

馬亦俱到齊臣經過其地周圍巡視隨飭令該遊擊張廷芝在緊要處所安設塘汛撥兵防守訖至測爾免城池營房尚未動工西大通城雖修起城門城壕城樓垛口俱尚未修營房亦未修完現在修造俟告竣日另行具

奏原議裁撥肅涼鎮屬之永固張義鎮番洪水等營堡馬步兵丁俱已到標尚有裁撥寧夏漢興鎮營馬步兵丁現在移催亦不日可到矣臣在西安督



臣岳鍾琪對臣云測爾免城房未修原議撥之馬步兵丁俟城房告竣秋後令其起程前往其西大通及白塔川原議撥之馬步兵丁俱令於三月起程前往夏季糧餉仍各在本營關領俟大通及白塔兵馬到齊掛領秋季糧餉臣思各兵不無家口一時不能同往夏季糧餉既先在本營關領除收拾行裝留贍家口外到營之日自是囊空篋洗將何度日因與督臣商定量借糧餉以爲安頓兵馬

之需故臣於二月二十日到蘭州面會甘肅撫藩將與督臣議過量借糧餉之事告知撫臣莽鵠立

所借

以現在備辦軍需兵糧無可預撥遂公同酌議馬銀兩傳旨與該督撫於兵丁初到時不得卽行扣

除俟

兵每名借領銀五兩步兵每名借領銀三兩分作一年後再行按季扣還

三季領餉扣除還項暫撥糧一千石先供兵食俟領餉找足臣隨調署大通鎮中軍遊擊王復到蘭

在藩庫共借領銀一萬八百八十兩令該遊擊帶至大通將已到兵丁先行借給餘飭加謹收貯臣

勘大通地土寬濶可以開種但氣候寒冷已經立  
夏早晨地尚凝凍因訪聞老農云欲種此地須於  
秋天犁起來春用火燒燉其土經火則性不寒可  
種臣到大通已是三月不及犁燒又一時買牛不  
出止買數隻用騎騾搭配開犁將帶來之青稞燕  
麥大豆豌豆麥穀等籽種在近城避風地方每色  
先種少許試看何地何色收成俟秋收之後另行  
具

奏外再多買牛隻犁鏵令各兵開犁來春燒燉播種此乃

臣查巴里坤地方先亦寒冷難種仰賴天意何可期必

聖主福庇人煙聚集地氣回暖有種皆收今西大通同

在我

似屬無理之論

皇上堯天舜日之下諒亦如巴里坤漸漸回暖也臣又

查大通西北之老虎口東南之阿兒探打板正東之東古城正南之迭兒吉打板地方僉係番夷人等出入要隘臣俱酌撥馬步兵丁防守巡查不許

漢姦入內指稱貿易生事起釁以及各處應設塘  
汛亦俱酌撥馬步兵丁防守訖又大通之東南由  
白塔川至西寧計程雖止二百五十里奈中隔一  
山卽迭兒吉打板上下五十餘里不惟車運難通  
卽騾馬馱載亦須人扶臨到大通又隔大河此時  
水淺處尚淹至馬腹則夏秋山水發漲之日尤爲  
難渡可知矣若造橋則河面寬濶需費浩大且河  
水泛漲無定亦難搭橋惟有造船爲便再要隘處

造船

之見甚是與督撫臣酌定

派遣

須要得人設集場於城西平坦之地議定集期每月三次逢

二日令各商販及番夷人等前來彼此交易臨期

臣遣官一員在集彈壓不許夷漢爭鬪前於三月

二十二日起集亦有百十餘人來集買賣矣此雖

臣爲新設地方起見但是否應行未敢擅便是以

瑣屑具摺奏

聞伏乞

睿鑒謹

奏

覽所辦理殊屬可嘉之至但一切措置須事事與岳鍾琪商計而行方好倘有叅差互異未免又費他日更張新設營鎮緊屬創舉必心存遠大之見始可爲後人成規諸凡總宜詳慎爲之

同日又

奏爲敬陳大通接連三鎮營堡程途里數事竊臣荷

蒙

皇上隆恩署理西大通總兵事務於到任之後查得大通之東南一百六十里至西寧鎮屬之北川營大通之東由東古城至仙密寺計程一百五里由仙密寺約有九十里至桌子山由仙密寺迤東約有二百里至涼州鎮屬之鎮羌營迤東北約有一百八十里至涼州鎮屬之張義堡迤南約有一百五十里至西寧鎮屬之威遠營大通之西北至老虎



口計程三十里由老虎口約有二百里至涼州鎮  
屬之新城堡自老虎口至白水河計程三十里自  
白水河由明海子沙金城獅子口一路至京陽嶺  
計程八十里由京陽嶺約有二百里至涼州鎮屬  
之高古城自京陽嶺至野馬川計程六十里由野  
馬川約有一百六十里至肅州鎮屬之大馬營又  
自野馬川由後哨口約有一百八十里至肅州鎮  
屬之黑城營自野馬川由羊胸子至扁渡口計程

七十里由扁渡口約有六十里至肅州鎮屬之永  
固營又自野馬川迤西由三角城至西水關計程  
一百三十里由西水關約有一百五十里至肅州  
鎮屬之洪水營此西大通與寧肅涼三鎮屬營堡  
地接勢聯之情形也再臣親歷查勘各地方見老  
虎溝口之山與沙金城之河灘俱有創窰坑窟形  
跡隨查問其由土人皆云其山內有銀沙河灘產  
金當日夷人住此偷窰故其坑窟尚存臣卽撥兵

此事

朕向亦聞之可令兵丁採取以資營伍之需否汝

其詳審斟酌再與岳鍾琪會商具奏以聞  
加謹防範仍不時差員前去巡查但事關地方臣  
既聞知理合據實

奏明爲此繕摺同地理圖一併奏

聞伏乞

睿鑒謹

奏

所奏知道了地圖留覽

雍正七年四月二十四日湖廣提督署陝西西大

通總兵官兼署西寧總兵官印務臣馮允中謹

奏爲敬陳地方情形並派調出征官兵事竊臣蒙我皇上隆恩命兼署西寧鎮印務今經一載夙夜冰兢惟虞任重才疎有負

聖明委任至意伏查西寧去歲豐收今春米糧頗賤所種麥豆青稞等項亦皆發苗惟自入夏以來雨水缺少我

皇上軫念行伍不惜帑金頻

頒厚賞今西路用兵士卒人人思奮爭告出征西寧標  
路所派領兵副將二員遊擊二員守備三員係督  
臣岳鍾琪派定照會到臣隨行令整備軍裝聽候  
矣又承督臣照會令就標路選派千把總二十三  
員馬兵一千四百名步兵九百名新募車兵六百  
名臣俱選派妥帖將各兵行營應用一切軍裝等  
項逐一驗齊全馬匹驗明臚分嚴飭加意餵養  
仍責令將弁逐日操演技藝純熟聽候調遣外至

於馬步兵丁暨車兵所需皮帽皮衣等項亦查驗製造完備並無缺少再臣承督臣照會內開軍需駱駝一萬餘隻現在解送西寧口外牧放可派撥叅遊大員守備千把外委兵丁駝把什經理牧放等因臣隨照檄派撥叅將一員守備二員千把總五員外委十員駝把什五十名兵丁五百名聽候駝隻到日分起經理牧放以上一切辦理之處緣事關軍務理合繕摺奏

聞伏乞

皇上睿鑒謹

奏

覽奏俱悉朕意欲汝仍兼理兩鎮印務且不易人今督  
臣岳鍾琪出塞遠征地方事宜勉力慎爲之必一一預  
籌著著機先於無事時圖維意外處防備方爲不負朕  
之倚任也倘至精神不及氣力不支毋得隱諱亦須卽  
爲奏聞勉之勉之

硃批諭旨卷九十二



欽定四庫全書

硃批諭旨卷九十三

硃批李燦奏摺

雍正七年四月十八日浙江黃巖總兵官

臣李燦

謹

奏爲敬陳末議恭請

睿裁事竊臣山左武夫毫無知識荷蒙

皇上弘恩超擢溫州總兵任事未幾復奉

恩綸調鎮黃巖疊莅海疆益虞隕越舉凡剔除弊端振  
刷營務悉與督提諸臣斟酌辦理不敢撫拾條陳  
上瀆

天聽惟管見所及有關營伍巡防練習優恤事宜非蒙  
我

皇上聖裁未能畫一謹據愚忱敬爲

皇上陳之一戰船之捕舵掟繚斗手什長宜分別軫恤  
也一沿海陸路官兵之宜練習水務也一戰船水

兵之宜照額分補也一內洋船篷之宜變通也以  
上數條識慚蠡管語愧芻蕘如或臣言可採伏乞  
皇上睿鑒施行謹

奏

所奏四條交督臣李衛提臣陳天培會同詳議奏聞

雍正七年九月二十四日浙江黃巖總兵官臣李

燦謹

奏爲海洋寧靖年歲豐登仰祈

睿鑒事竊

臣

本年四月出洋巡歷所至海不揚波商漁

樂業今當秋汛

臣

於八月往南北內外洋面親巡

各汛官兵勤惰并遍歷島嶼有無宵小往來巡察

仰賴

皇上聖治弘敷海洋寧謐並無姦匪至

臣

所轄各協營

台州府之臨海黃巖太平寧海天台仙居等縣寧

波府之鄞縣慈谿奉化象山等縣地處山海士民

皆以務農爲業早稻於七月初旬收割中稻於八

月登場晚稻現在刈獲今歲自春至秋雨暘時若  
萬寶豐登收成實有十分白叟黃童咸歌大有此  
皆

聖德涵濡上格

天心是以降此豐稔臣際此海宇清寧目覩人民懽樂深  
爲忻慶之至理合具摺奏

聞伏乞

皇上睿鑒謹

奏

覽奏海洋暨年歲情形朕懷深慰

雍正九年四月初六日江南崇明總兵官臣李燦  
謹

奏爲奏請

諭旨事竊臣荷蒙

聖恩調補崇明總兵官臣到任後凜遵

訓旨不敢懈弛三月以來於清查地方營伍戰船事務

加意經理以期仰報

皇恩於萬一伏查崇明四面環海爲全省之藩籬實水師之要衝現在臣屬各營遊擊守備等員俱年力強壯辦事盡心惟於外洋船隻水務實少講究若有熟諳船務之人逐漸指點臣再不時教導將來自能通曉至於千把等官臣每於因公接見之時委婉詢問聽其所答之言皆非諳練實不如浙閩水師官兵之熟悉臣仰懇

聖主天恩將浙江三鎮水師千把揀選四員與臣標千把對調俾隨船教習則崇明水師官兵漸次可期熟諳而臣實收臂指之效矣再兵丁在船演練首重火器查浙閩水師各營篷索之外又有藥械銀兩按年動撥公項支給專爲出洋修製器械配合火藥洗演戰船礮位之用是以各鎮官兵俱得就船時常演放緩急便利查江省止有篷索一項並無藥械銀兩雖據四營將備稟稱自備仍係有名



無實臣又何敢隱諱不據實

奏明今器械一項已蒙

皇恩准給公糧以資修製而戰船洗放之火藥可否援  
照浙閩之例撥動公項每年按出洋船隻交給俾  
得洗演各礮以資利用實出

聖主天恩非臣所敢擅請也爲此具摺奏  
聞伏乞

皇上睿鑒施行謹

奏

所奏皆當言之督臣會商定議者

雍正九年十月初一日江南崇明總兵官

臣李燦

謹

奏爲海洋寧謐年歲豐登仰祈

睿鑒事竊臣荷蒙

皇上天恩調鎮崇明到任以來凜遵

聖訓整頓營伍操練兵丁朝夕兢兢不敢怠逸每逢將

備千把出巡內外海洋臣必親赴各船點驗礮械  
扛具等項飭令加謹梭織遊巡不時督察以稽勤  
惰仰賴

皇上政教弘敷德威遠播島嶼清寧並無宵小潛踪來  
往商漁各安生理茲當九月底巡期已滿外洋艚  
船循例撤回而內洋之沙船臣仍照例飭令備弁  
往來哨巡不許少懈其內外各沙陸汛每當收穫  
之時臣俱撥備弁分段遊巡地方俱各寧謐至於

崇明本年夏秋以來雨暘時若所種禾稻木棉悉  
皆茂盛今已刈獲收成實有九分黃童白叟共慶  
大有臣覩此豐稔景象不勝歡慶之至理合具摺  
奏

聞謹

奏

覽

今命爾署理浙江總督印務須當竭力黽勉諸凡加詳

加慎毋得率意徑行以爲盡心效力也太過猶如不及  
酌中爲之事事遵守李衛之成規辦理不可另立意見  
而欲炫長邀美於已勉之

雍正九年十月二十八日江南崇明總兵官臣李

燦謹

奏爲微臣力小任大驚懼難安謹瀝下情叩請

聖訓事竊臣荷蒙

皇上洪恩著令暫署浙江總督印務接到部文感激惶

欽定四庫全書

硃批諭旨

卷九十三

七

悚無地自容當經繕疏恭謝

天恩在案伏念臣一介武夫仰邀

聖主逾格超擢授以崇明總兵官自惟粗魯之質膺此  
海洋重鎮已覺竭蹶不遑時切惴惴今總督之任  
凡吏治民生之大綱選將練兵之要務一切經理  
調度所繫非輕臣何人斯敢當重寄伏承

恩旨令督臣李衛詳加教導做做辦理但封疆機務均  
關重大臣識見淺陋豈能因此識彼推類而行措

置一有失宜罪愆何以自逭聞

命以來徬徨驚懼刻難自安現在遵

旨於十月二十九日由崇明起程赴浙聽督臣李衛指授外仰懇

皇上隆恩俯賜訓誨開導愚昧俾臣有所恪遵暫時詎勉供職或免貽誤感戴

洪慈於生生世世矣爲此繕摺奏請

聖訓伏乞

皇上睿鑒謹

奏

一一遵循李衛之所指授竭力勉爲之爲時無幾不過數月之間耳

雍正九年十二月初七日署理浙江總督印務崇

明總兵官臣李燦謹

奏爲恭繳

硃批叩謝



天恩并陳地方情形仰祈

睿鑒事本年十一月初十日臣家人齋回臣恭奏崇明

海洋寧謐年歲情形原摺一件欽奉

硃批竊念臣以一介武夫叨蒙格外

隆恩暫署浙江總督印務自問知識魯鈍何堪膺此重

任感荷

天語教誨諄諄惟當敬遵

聖訓加詳加慎不敢率意孟浪妄立意見亦不敢推諉

因循貽悞地方一切事宜俱照總督臣李衛之成規倣倣辦理竭盡愚誠以冀仰報

高深於萬一所有原奉

硃批奏摺理合恭繳

臣於十一月十九日接印任事與

文武各官照常辦理地方俱甚寧靜再查各場竈

鹽旺產夏掣引目已經溢額八萬道現今冬掣築

運頗多將來配足正額之外大有贏溢臣已將杭

所擇期開掣復親詣嘉所照例掣驗容俟四所掣

畢之日將正餘各數另行具

奏又准署撫臣王國棟咨准戶部咨文荷蒙

皇恩俯念嘉興府屬之七縣并杭州府屬之海寧一縣  
田禾間有蟲傷特沛

恩旨漕糧減價折徵署撫臣卽會同臣出示遍行曉諭  
宣布

皇仁一面檄飭徵漕各員遵

旨辦理再臣接據江南提標中軍叅將黃欽揭報部科

并江南督撫及臣署理衙門之文內稱松江城守營遊擊馬勇志因借鹽務經費銀兩不遂挾仇於伊叔新任署提督馬世龍到任之後唆聳陷害等情臣查閱揭文有前提督王紹緒動用各營馬匹草豆公糧截曠等項銀兩黃欽身任中軍不行阻止聽其私取厥咎難辭所揭馬勇志各條亦屬一面之詞未可遽信但馬勇志向日居官逢迎卑污臣前在崇明時已有所聞今彼此互訐應聽兩江

督臣查明

題叅續又准署理江南提臣馬世龍移送會稿以中  
軍叅將黃欽營私科派侵蝕營中公銀等情會疏  
糾叅各到臣因督臣李衛蒙

皇上交辦下江督捕事務原有考覈軍政之責且所揭  
欸內涉有兩浙鹽務經費之事今臣蒙

恩暫署接辦不敢隱匿相應一併陳明伏乞

皇上睿鑒施行謹

奏

所奏知道了下江事務汝可不必兼管

雍正十年正月二十四日署理浙江總督印務崇

明總兵官臣李燦謹

奏爲恭繳

硃批叩謝

天恩事雍正九年十二月初七日臣家人捧回臣恭請

聖訓一摺奉有

硃批本年正月十三日又據臣家人捧回臣恭繳

御批并陳地方情形一摺奉有

硃批伏念臣才識魯鈍荷蒙

皇上隆恩著臣署理浙江總督印務兼管鹽政捕盜幅  
員遼濶心力難周任事以來實深悚懼仰沐

聖恩諄諄訓誨更荷

皇上格外矜全

諭臣不必兼管下江事務臣謹欽遵

諭旨將一切浙省督鹽事務效法李衛竭蹶辦理以冀

仰報

隆恩於萬一耳所有原奉

硃批奏摺理合恭繳伏乞

皇上睿鑒謹

奏

覽

切以粗率輕浮爲戒凡百敬慎持重爲之勇敢任事固



屬可取然須看得透認得真始宜見諸施行非可從外  
像孟浪效法者於此當詳審毋忽

雍正十年三月初三日署理浙江總督印務崇明  
總兵官臣李燦謹

奏爲恭謝

聖訓事竊臣於雍正十年二月十八日接督臣李衛來  
札內開雍正十年二月初一日面奉

上諭杭州各官正月初一日拜牌時向例鋪壇三條署

總督李燦因王國棟退縮在二班地上行禮李燦卽親提羶子轉身遞與王國棟接取朝賀有關大典二人甚屬失體孫國璽在旁不敢入班且聞李燦署總督印務以來諸事急遽無序舉動多有未協之處王國棟軟弱游移可寄信去著實嚴加申飭欽此遵

旨寄信前來等因到臣跪讀

諭旨悚惶無地感激難名臣於正月初一日

朝賀之後遵照向例恭詣

聖因寺叩拜

聖祖仁皇帝龍牌時冒昧失體咎實難辭至於署理督篆  
辦理一切事務未能從容展布以致急遽無序舉  
動多有未協之處今蒙

天恩浩蕩不加重譴

命督臣李衛傳

旨嚴加申飭

聖德彌宏臣心益懼惟有凜遵

聖訓改革前非時時警惕朝夕不忘嗣後辦理舉動愈  
加詳慎以冀仰報

高深於萬一耳爲此繕摺恭謝

聖訓伏乞

皇上睿鑒謹

奏

據奏警惕改革等語能改甚善但恐秉性難移耳

雍正十年八月二十一日署理浙江總督印務崇

明總兵官臣李燦謹

奏爲奏明撥發義倉米石賑恤蕩竈仰祈

睿鑒事竊臣前據江南松江管理下沙頭二三場青村  
場各場員稟報七月十六日陡遇風潮沿海居民  
竈戶房屋竈舍衝壞人民溺斃等情臣卽檄行鹽  
道動支鹽務備公銀兩委員分往各場查勘酌量  
軫恤當經具摺奏

聞仍一面飭令確查去後續據松江府南匯奉賢二縣

暨各場員具報蕩戶被颶風潮湧淹沒人口坍塌  
房屋田禾俱被浸壞等情前來伏思煎竈人等臣  
已動備公銀兩先爲軫恤并借給帑本修理竈舍  
備辦煎鹽以濟冬掣至於蕩戶亦被潮災收成失  
望口食無資亟當一體矜恤查江省督撫二臣現  
在委員勘賑但念此蕩戶人等雖屬江省人民現  
納浙江場課臣何敢以奉有仍回崇明之

恩命交代在邇觀望貽悞今臣已飭令鹽道撥動鹽義

倉米三千五百石飛委嘉松分司運往各場會同  
各該縣查明被災戶口一體酌量賑給務使實在  
窮丁咸沾惠澤如有不敷再行續發俾此沿海被  
災煎竈蕩戶人等餬口有資不致流離失所以副  
聖主軫恤災黎之至意爲此繕摺

奏明伏乞

皇上睿鑒謹

奏

浙省種種災異蓋緣汝與王國棟皆係薄福小人見責於

天所致汝等猶不自省自愧耶

硃批諭旨卷九十三